

Zeitschrift: Nebelspalter : das Humor- und Satire-Magazin

Band: 88 (1962)

Heft: 14

Rubrik: Am Hitsch si Mainig

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation



L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 21.05.2025

ETH-Bibliothek Zürich, E-Periodica, <https://www.e-periodica.ch>



(Cambyer)



As isch aigantli khoga schaad, daß ma sich nitt in zwai Tail abanandar haua khann. Denn khönnli nemmli jeedi Helfti a Schtell aaträtta und baidi Helftana zemma khemmtandi denn mit am Loon sihhä ganz guat uus. Schtella hettis jo gnuagand umanand. Alli Zittiga sind volla vu Insaraat, wo Aarbaitar, Aagschelltli und asoo gsuacht wärdand. Faltsch! Aarbaitar wärdand nümma gsuacht. Au khai Aagschelltli mee. Darfür abar Mitarbaitar, Schtütze des Scheffs, Akhreditiiv-Schpezialischa, Sachbearbaitar, Uuftraagsbearbaitar, Laborantinna, khwalifiziarti Mitarbaitari, zum dGoofa hüata a Nörs, Projäkhtbearbaitar, assistnt mänätschr (englisch), egspoort seels mänätschr (englisch), und denn vor alam Sekhretäärinna. Büroaagschelltli gitts nemmli au a khaini mee. A Maitli, wo imschstand isch, a

Näämaschinna vunara Schribbmaschinna zuntarschaida, isch hütt nemmli a Sekhretääri! Reschpekh-tiive Tiräkhzioons- odar Genaraal-tiräkhzionsekretääri. Au wenn si dar ganz Taag nu muß Briaf aplegga. Daß dar zuakhümptig Aagschelltli — ägsgüsi — Mitarbaitar aswas khönnä muß, wird in dan Insaraat au nümma varlangt. Dafür wird imm a hoochha Loon



Von der Müdigkeit benommen,
die der Umzug
mit sich bringt,
heisst man doppelt
den willkommen,
dessen Loblied
jeder singt:

Tilsiter

Drum ghört Tilsiter uf e Tisch!
Me weiss mit ihm, wora me-n-isch.



bbotta, an uusgezaichnats Aarbats-khliima, khlaar, Füütaagwuhha, Khaffi am Vormittaag und am Nomittaag, driizäähä bis viarzähha Monatslöön und eersch no a Gratti. As hätt amool a fuula Witz ggee: Dia nöiji Wäschari khunnt sich bei der Huusfrau goo voorschetta und varlangt näabat am Loon no zMorga, zNüuni, zMittag, zMarend, zNacht und no aswas uff da Haiwääg. Dua said dHuusfrau: Was muß i Inna zaala, wenn Sii dar ganz Taag nu frässand?? — Hütt sind miar so witt! Dar Leering will nümma wüssa, was är imma Gschäft khann lärrna. Nu dar Schtundaloon und dLengi vu da Feeria intressiarnd na und — khlaar — dFüütaagwuhha.

Um zvarr... müassand Lütt häära! Darmit joo khai Uuftraag muß aplegunt wärda, odar daß a Pschettlig nitt khönnli uusgfüart wärda. Liabar schpanisch und griachisch lärna als siins Gschäft im Raama halta. Hochkhonjunkhtuur.

No a Gschichtli. Khai Witz. Asoo passiert. A Bürofräulein mäldet sich bei aran amerikhaanscha Firma in dar Schwizz. Als secretary. Varlangt in iarnam Bewärbigsschriiba

tuusig Frankha Loon. Wird aagschellt und khriagt nocham eer-schta Moonat aswiavil über viartuusig Frankhan uuszaalt. Sii tenkt ana Fäalar, mäldats am Scheff und dä said: Jo und? I hann iarnas Schriiba ins Hauptgeschäft noch Amerikhaa duura gschickht und dött hends woorschinli gmain, sii varlangand tuusig Dollr. Löön miars jetz halt asoo. Määga denna lumpiga drejuusig Schtütz mee, schriib ii nitt nohamool duura.

Dies und das

Dies gelesen: «XXX – die Bratpfanne unserer Zeit.»

Und das gedacht: Manchmal plagt mich wahrhaftig das Gefühl, „unsere Zeit sei in die Bratpfanne geraten ... Kobold

4711 4711 4711 4711 4711 4711 4711 4711

FRISCODENT
ZAHN-CREME

— echte biologische Mundpflege
vorbeugend gegen
Karies und Parodontose

Originaltube Fr. 2.50

4711 4711 4711 4711 4711 4711 4711 4711